

新纂雲南通志

盧

漢題



新纂雲南通志

盧

理題

卷



新纂雲南通志卷五十三目錄

地理考三十三

古蹟六

永昌府


開化府

東川府

昭通府

各直隸廳州

各鹽井



新纂雲南通志卷五十三

地理考三十三

古蹟六

永昌府

保山縣

不韋廢縣 在縣境漢置晉廢後漢書西南夷傳注孫盛蜀譜曰初

秦徙呂不韋子孫宗族於蜀漢武帝開西南夷置郡縣徙呂氏以

充之因置不韋縣清一統志相傳在鳳谿山下永昌府志

道光志案鳳谿舊志作鳳棲不韋廢縣在今施甸姚關等處非鳳谿山下

哀牢廢縣 永昌郡哀牢故哀牢國後漢書郡國志後漢建武二十七年哀牢

王賢栗等率衆人詣越雋太守鄭鴻降求內屬永平十二年哀牢

王柳貌遣子率種人求內屬以其地置哀牢博南二縣

後漢書南夷傳

元爲

永昌府治明洪武中改爲中千戶所軍營

永昌府志

在城太和坊之東

雍正志

按南中志云哀牢王扈栗遣兵乘軍舡南攻鹿多今考瀾滄路江水流駛悍不易行船惟大盈瑞麗二江尙堪舟筏疑哀牢所居在大盈瑞麗流域順流而下以至鹿多多杜林以爲菱字鹿多當是七十七王之一其居在大盈瑞麗之下游以此推之哀牢地應在潞江以西卽騰衝龍陵並其附近諸土司地惟自西晉訖宋元康末永昌郡已淪於哀牢其郡治空荒不立哀牢王或於此時內侵寢以永昌爲外府後之言地志者遂以永昌卽哀牢耳清一統志稱哀牢廢縣在永昌府城東府志因之實未必然也

永昌故衛 卽金齒衛在縣西南明洪武十五年建清康熙二十六

年省

清一統志

諸葛營 在城南十里昔武侯屯兵於此及還漢人有遺留者聚族

而居稱爲舊漢人村

雍正志

呂凱故里 在城東五里金雞村今遺跡尙存後有蒙古千戶所遺

址

雍正志

立釭石 在金雞村內高五尺周三丈許中斷處深尺餘相傳呂凱

樹戟於此

永昌府志

鳳儀石 在金雞寺前舊傳有鳳棲於此土人不識呼爲金雞寺與

村皆以此名也

永昌府志

黑水 在灣甸州南每歲至五六月水自地出人近之則病飲之則

死土人用氈浸水中久之取出毫可殺人

永昌府志

諸葛井 在城東二十五里哀牢山上有二穴相去一寸五分各圍

三尺許形圓如盃可飲千人相傳爲武侯鑿以濟軍者

雍正志

糧堆 在城東南山中墩阜甚多相傳武侯於此覆糧以示彝人者

永昌府志

諸葛堰 流於沙河之南相傳爲武侯所濬久淤塞明成化三年巡

按朱體重浚築隄因又名御史堤

永昌府志

慈雲塔

在龍寺之北高七丈有奇

永昌府志

大銅釜

在鎮姚所南八十里有二每釜可注水三十餘石

永昌府志

道光志案府志云大銅釜偃草坡黑水三跡皆在永昌府南姚關地舊雲南通志誤入永平縣今正之

藝園

在城東隅清康熙間總兵偏圖建今廢

永昌府志

永順鎮總兵昆明陳綸藝園記

永在滇西南千里宜若風景物色與中土殊余昔覽通志稱其地有江右風人喜遊玩奧區勝地挈櫓攜壺佳時偕往觀焉心常識之舊有荷花池在城東隅為前都督偏公所建嗣而擴之者榆陽段公中饒花木樓臺四時揜映活水灌池紅蕖秀吐斯園以此得名嗣余庚申歲承乏是邦重為較藝地歲加補葺復於西偏卑溼處再浚小池廢是園也楊柳依依棠梨映也鳥鳴嚶嚶蓮香遠也零露瀼瀼蘭桂芳也雨雪霏霏松竹韻也登高東望則羣山環峙一掌平舒漁浦烟村農桑遍野回眸西眺則寶峯聳秀遠嶂飛青鱗次樓臺萬家烟火四圍不隔盡在目前求之城市中之山林在所未有余猶惜斯地之僅以荷著也因顏曰藝園觀德之餘息心休憩風來月到魚躍鸞飛會心不遠藝也不更進於道乎夫幽深靜遠勝地不必在山林也從來豔稱者金谷習園當日才人學士往往見之篇章會幾何時而雲散風流徒以供後人之唏噓而憑弔而斯園之孤懸天末輿而廢廢而興廢幾乎大觀焉客是邦者詩歌嘯咏郡之人士絳繹泳游相為輝映共會心於觀德與道之中可不幸哉語曰地以人傳余固不能重是園也而能無望於後

之官斯土者是為記

梨花塢

在城西南七里九嶺岡下清戶部尚書王宏祚創建層臺

聳秀曲澗流泉有慈雲閣畫月樓睡雪琴諸勝仲春時遊人絡繹

不絕

永昌府志

咸豐間燬於兵耆民楊榮募修慈雲閣未竣文生程紹伊

續修增建藏經樓讀書樓養雲池雨花亭澣鶴溪並植松柏花柳

於其中

光緒志

將臺 在城東金雞村溫泉之北蜀漢呂凱所築

雍正志

凱即村人臺高

丈餘廣倍之今廢

永昌府志

旗臺 在諸葛營前小海子內相傳武侯建旗之所周匝三十餘丈

雍正志

右軍臺 在城南諸葛營東卽武侯南征時右軍屯兵之地或訛爲

王右軍書臺

參永昌府志及採訪

明詩臺 在城西里許郡人張含築含長於詩楊慎爲之題額

雍正志

又

有二芳亭植茶花杜鵑二種因名

永昌府志

明張含明詩臺二首

明月照孤亭瑤琴發清響多樹敷丹榮
綏動紫綬想西樓叢雁驚南樓雙杵鳴
皎皎一亭月中霄抱鑑明

含山薛河明詩臺

戍客留題處而今臘舊臺草多隨意
長花似帶愁開不管風流歌依然月上
來卻將興廢感都付與莓苔

安邊定遠樓 在城南十里高五丈有奇明洪武十七年建括蒼王

景常有記

雍正志

看山樓 在城內明戶部侍郎張志淳建樓中藏書萬卷雄偉奇觀

甲於一郡楊慎題曰鐵樓

雍正志

一鑑樓 在易羅池西內肖明楊慎像於中今廢

永昌府志

翠微樓 在玉皇閣左即今會真樓址

永昌府志

鐘樓 在鎮南門之西上懸鐘重千斤漢時遺器明成化間千戶張

邦因其少損而重鑄之音響甚洪可聞百里昔毀於兵清康熙三

十九年知府羅綸因修城復建焉

永昌府志

接龍 在太保山武侯祠後清康熙三十二年總兵偏圖重修

永昌府志

觀騎樓 在城南七里明永樂二十年建

清一統志

俗以三月二十七日俠

遊少年聚此走馬登樓觀者如市嘉靖中參議劉鶴年毀之清康

熙二十五年總兵偏圖建大士閣於此較昔頗盛

永昌府志

深翠樓 在城東北隅舊有角樓久廢清康熙三十九年總兵周化

鳳因修城復爲修建規制宏敞

永昌府志

龍津閣 在府城

道光志

明張含龍津閣

春日城西獨自遊爲因攜酒得淹留插天樓閣烟花重沈海魚龍日月潭
漢國河山真帶礪晉家人物故風流黃鸝恰恰啼深樹吹盡東風不解愁

偕樂堂 在池西龍王祠之左清康熙二十七年總兵偏圖建今改

爲忠義祠

永昌府志

雅會堂 在玉皇閣右即今九霄樓右之一粟亭

永昌府志

卻金亭 在城北驛亭明兵備賀元忠卻金處今廢

雍正志

環翠亭 在元光寺左知府祖維煥建今廢

永昌府志

濯纓亭 在噴珠泉上前臨易羅池左倚高城右環九隆諸峯湖山

在望龍泉諸勝此爲第一明鄧子龍鎮永時常憩於此清經略傅

恆副將軍阿里衮右副將軍阿桂相繼題額

永昌府志

湖心亭 在池中明參將鄧子龍建清康熙二十七年總兵偏圖道

光二年知縣朱學宗相繼重修

永昌府志

萬箭樹 在城東北四十里天井山北段氏時濮蠻爲盜出沒於此

行者射其樹以厭之箭集如蝟

雍正志

魚洞寺石樓 在城南三十里境甚幽雅距里許卽落水洞穿山伏

流旁有一洞俗名石樓峭壁摩天屹立萬仞奇花異木環而繞之

遊覽者從鳥道攀躋而上過一小洞登樓寬大宏敞可容數百人

中有石鐘石鼓石牀相傳有仙居其上洵異境也

光緒志

永平縣

博南廢縣

後漢永平中置

後漢書郡國志

唐蒙氏改勝鄉郡元至元十一年

改永平縣隸永昌府

元史地理志

其地今爲江東村

永平縣志

永平廢所

在今縣治東北明洪武十九年建清康熙五年省

清一統志

諸葛寨 在城北三里又有關索寨在城東北四里週迴二里其下

有洞首尾相通

清一統志

打牛坪 在城東北一百二十里俗傳武侯南征值立春鞭土牛

於此

永昌府志

石門 在金牛屯石壁對峙如門其中衆溪奔流即蒼山黑龍潭西

出泉也

永昌府志

萬年椿 在城東漾濞官莊出土外五尺餘入地不知其數搖之則

動掘之不得其根相傳亦武侯所置

永昌府志

十九古街 在漾濞大邑村每年二月十九日四方商人與土人相

貿易

永昌府志

銅牛 在漾濞橋東形如犀牛藉以鎮水知縣郭存莊建

永昌府志

石塔 在城西潞江西岸相傳武侯建有大樹裹塔陰周十餘畝

雍正志

德化樓在縣治南壯麗可登覽清一統志

自新軒在城南溫水之上知縣姚孔鎭建永昌府志

化民坊善俗坊並在學宮左右永昌府志

永昌勝境坊在白木舖前入永昌路永昌府志

利涉坊在城東漾漾上街明嘉靖間建永昌府志

永濟坊在漾漾橋西明嘉靖間建永昌府志

騰越廳

順江廢州元至元十一年置至正七年酋長樂孫求內附立宣撫

司尋廢入騰衝府清一統志在城南二十里雍正志

越甸廢縣在城東北四十里雍正志元至元中置縣於越甸尋省入府

清一統志

古勇廢縣

在城西一百里元置縣於古勇甸尋廢

清一統志

尙書營

在城北三十里明靖遠伯王驥駐兵處

雍正志

鎮夷石堆

在城西南矣羅山後高丈餘相傳武侯屯兵處

雍正志

亦曰

軍營堆

騰越州志

黃牛石

在城西北二百五十里馬面關山旁壁上

雍正志

子午石

在迦羅廟

騰越州志

夾象石

在城東龍川江東岸渡江而西卽高黎共山麓也明正統

三年麓川思任發叛都督方政及別將高遠渡江逼賊於上江重

地深入求救於沐晟晟以少兵往至夾象石不進政等渡江追至

空泥伏起士卒覆焉七年王驥等以大兵征麓川自夾象石下江

徑抵上江賊巢大軍亦自夾象石下江通高黎共山道至騰衝云

清一
統志

鎮兵石 在武侯祠中相傳在神座下

騰越州志

侍郎壩 在城西山明兵部侍郎侯璉所築今廢

永昌府志

孤月亭 在鉛雙龍潭明指揮僉事李鎮雄隱居故蹟

採訪

春園 有二一在東山寺下一在球琤山下茶樹成林爛漫如錦州

人春遊以爲佳賞今廢

永昌府志

大樹園 在城之西偏

永昌府志

經畧大學士傅恆大樹園記

歲己丑余奉命經略征緬軍事駐節騰衝會盛夏陽雨間作師期需次偶閱士馬經城之西偏林木森然殊異常觀土人言此中廢園一區蕪穢不可治余往視之則銀杏十數本同附異柯圍經一二十尺環帶修篁以億萬計消音迴互稀見圭景延佇移時歎

世所鑒者連樹累閣而人境自然之勝固莫之省也顧旁無一椽無以謀憩止而舍參佐有司進而以鳩工請余謂駕輓方亟詎可
以此役供旅迺令僮僕除蕪道甃披露幽爽於樹身離立間編茅縛屋翼以小亭未洽旬而告歲時偕補齋雲巖兩將軍晤言於此
咸以爲此蕪豈邱墟之所處一旦有城有廬曠如奧如創見者宜爲譽嘉樹焉余謂凡事之見爲難而置之者多矣苟審其時地而
致吾力則還榛可以荒簞理固然也余之闢此地也徑可沿者治之可藉者固之雖藩可衛者補之雕飾弗尙重視弗煩故濯莽去